

AGENCIJA ZA VODNO PODRUČJE RIJEKE SAVE
SARAJEVO
Hamdije Ćemerlića 39a, Sarajevo
t: +387 33 726 400
f: +387 33 726 423



Informacija o trenutnom stanju vodostaja na vodnom području rijeke Save u FBiH

Saopštenje za medije – 09:00 sati

Sarajevo, 21.05.2014 godine

Danas, 21.05.2014 godine u 09:00 sati, prema podacima «Agencije za vodno područje rijeke Save, Sarajevo», situacija na vodnom području rijeke Save je slijedeća:

Iz poplavnih dijelova **Odžačke Posavine** odvija se isticanje vode u intenzitetu koliko to dozvoljavaju vodostaji rijeke Save. Vodostaj rijeke Save na ovom području je u zadnja 24 sata imao trend sniženja oko 1,5 cm/sat odnosno 25 cm/24 sata.

Isticanje vode iz branjenog područja odvija se kroz dijelove oštećenog nasipa odnosno istim putem kojim je voda i ušla u to područje i putem gravitacionih ispusta na nasipu. Motori i pumpe u CS Zorice I i Zorice II su spremni za rad, međutim još uvijek se dijelovi objekta i transformatori nalaze pod vodom. Očekuje se da će se ovim energetskim postrojenjima moći pristupiti krajem dana i krenuti sa njihovim osposobljavanjem.

Još uvijek se nije uspio spriječiti prodor vode u branjeno područje **Srednje Posavine**. Očekuje se da će inženjerske jedinice Oružanih snaga BiH uz pomoć helikoptera danas tokom dana uspjeti spriječiti dotok vode iz Save u branjeno područje.

Putem CS Tolisa se kontinuirano vrši prepumpavanje zaobalnih voda u rijeku Savu u kapacitetu 15,7 m³/sec. Na ovoj CS je zabilježeno sniženje vodostaja zaobalnih voda i to 4 cm u posljednja 24 sata. To je prvo registrovano sniženje vodostaja od kako su savske vode počele da utiču u branjeno područje. Još uvijek se vrši pojačavanje druge odbrambene linije pomoću vreća sa pijeskom u cilju sprečavanja daljnjeg prodiranja vode u poplavno područje Srednja Posavina.

Aktivne su mjere vanredne odbrane od poplava na području Odžačke i Srednje Posavine.

Po dobijanju novih informacija o vodostajima uslijedit će naredno saopštenje.

Direktor
Sejad Delić, dipl.inž.